

742/4822b(22)

風角候風法

風名狀

占驗設法

歲月日時方德形墓殺例

風角五音六屬

五音占風法

納音

地支十二辰五音法

五音相動風占

五嶽之音風角占

五音風角占

雜占五音風

五音主客占法

風角六情占法

六情例

六情風鳥所起加時占

十二風并十二支辰風占

天門風占

八方暴風

風之遠近總占

海運誌中察潮汛法

八卦時候風圖

占風歌

風角總占

共廿七

管窺輯要

二千二

THE CHINESE-JAPANESE LIBRARY
OF THE HARVARD-YENCHING INSTITUTE
AT HARVARD UNIVERSITY

MAR 1 1954

22

欽定輯要卷之六十一

六安黃 鼎玉耳父纂定

侄九錫公位

九疇倫敘

九如眉介

桐城方兆及子詒全閱

風角候風法

凡候風必於高平暢達之地立五丈竿以雞羽八兩為葆屬竿上候風吹羽葆平直則占羽必用雞



取其屬巽而能知時羽重八兩以象八風竿長五丈以象五音鳥者中精巢居知風鳥爲其首也古書云三丈五尺竿以雞羽五兩繫其端羽平則占然則長短輕重惟取適宜不在過泥但須出衆中不被隱蔽有風則動直而不激便可占候羽毛必須五兩以上八兩以下蓋羽重則難舉輕則易平時常占候必須用鳥軍行權設取使用羽作葆之法取雞羽中破之取其名處以細繩緊縛內中夾中長三四尺許屬竿上其獨鹿扶搖四轉五復之風各以形狀占之

風名狀

爾雅曰風而雨土曰霾陰而風爲噎日出而風爲暴迴風爲飄焚輪謂之頽扶搖謂之飈

李淳風曰按占風之家多云發屋折木揚沙走石等語若每占中俱着此語則又至繁今輒以一家例之古云發屋折木揚沙走石今謂之怒風多爲不吉之象一日之內三傳移風古云四轉五復今謂之亂風亂風者在風不定之象天無雲晴爽忽

起大風不經刻而止止復忽起古云暴風卒起乍
有乍無今謂之暴風暴主有卒暴事鳴條擺樹蕭
蕭有聲今謂之飄風善惡依經旨迅風觸塵蓬勃
今謂之勃風廻旋羊角古云扶搖羊角今謂之廻
風也旋風也廻風卒起而圜轉扶搖有如羊角向
上輪轉有自上而下者或磨地而起者總謂之廻
風亦專有占古云暗冥濁寒刻者今總謂之霾曠
凡風和暢清悅溫良適時塵埃不起人情恬淡是
謂祥風天色晦冥風氣昏濁聲寒慘塵埃蓬勃是
謂災風風勢紛錯交亂乍起乍止深藏難測其聲
聒耳是謂小人魅惑風風勢暴起南北不定離合
氛埃是謂上下不寧之風風勢凜冽人懷戰慄是
謂刑罰慘刻風風聲啾啾慘切令人悲惜為大喪
風風聲歟歟如火奔馳乍起乍息為旱火風
凡吉祥之風日色清明風勢和緩從歲月日時德
上來或乘旺相而來去地稍高不揚塵沙人心喜
悅是謂祥風人君德令下施之應凶災之風日色
白濁天氣昏寒風聲呌怒飛沙捲塵乘刑殺而至

管窺輯要 卷之六十一 三
當詳五音定八方觀起止占之今畧諸家寒尅白濁爲例諸稱寒尅白濁今謂之災風諸稱大風寒尅冥冥日無光沉沒電氣今云昏氣

占驗訣法

凡候風須明知八卦審定干支或上或下或高或卑俱無垂起然後可驗若失之毫厘差之千里不可不慎今先定六十四卦十二支辰總二十四分遞相沖破卽知風之所發止然後占之

凡風從戌來須抵辰自丑至未直乙二十四方先定其沖則來處明白辰卦旣明白無失誤

黃帝占曰凡風之動皆不安之象也若在山川海濱空穴之間風所出處皆不必占以爲常式若在宮宅城營之內戰陣之所風勢常異揚沙走石日光昏濁則必占之

凡人君理順四時則春無凄風夏無苦雨先王之治以天下爲家兆民爲子風起異常用意察之如紛錯交橫乍起乍止儒墨深藏智者緘默

凡風暴疾南北無定交錯離合氛埃相經此風應

在人主

李淳風曰巽爲風風占災異最驗

凡候風須築臺二十四尺於上設竿令其四達無
隱則遠皆知期刻不爽

凡鳴條以上怒風起止皆詳其五音與歲月日時
刑德合冲墓殺五行生尅王相囚死以占吉凶仍
以六情推之大凡年月日時四殺五墓風從上來
白濁昏寒皆爲凶風其日三刑最急坐不及起有
賊暴至若行師卽防伏兵平時無兵防人謀害與
兵動衆逢之急整武備

凡兩軍相當欲分主客以日辰所得納音爲客以
時下十二辰與風所來方爲主若日辰納音能尅
時辰及方則客勝時下支辰及風來方能尅納音
則客敗主人勝尋常家居亦以此分內外

凡惡風黑雲三刑冲破墓殺風當日有大雨及三
日大雨者其災散一日宮風當日雨徵風三日雨
羽風五日雨商風七日雨角風九日雨依得雨則
解

管窺輯要 卷之六十一
凡風自沖來者爲殃爲喪爲兵火爲大臣死以日
占何國若當時有大雨卽不占凡風滾雨及風後
降雨皆雨氣也不占

凡風從太歲上來鳴條擺樹而天色清爽日光明
盛着體清涼溫和者祥風也天子有德令法不私
親大臣畏懼國昌民安之象若風勢蓬勃揚塵蔽
天着人寒慘日白無光無刑帶殺則國有暴令月
建爲大臣日爲令長時來爲民

凡風溫熱逼人着地走石飛沙鳴條落葉爲囚風
以日辰占何國饑荒人不安風勢和煖不揚塵土
氣色清溫日光皓潔則以日辰占國何歲美人安

凡風起歲月日時德上來鳴條落葉及宮日宮時
天時乾上來發風皆爲吉風五音之日風起歲月
日時刑上黑色勃勃經刻冥冥不見人刑是謂妖
風宮日爲君以下四日爲大臣死不然其分民災
以日占國

凡風起三刑而隣於德不可分辨刑與德者以風
言之德鳴條索索雖擺枝落葉乍起乍止而去地

尺外不動塵埃不揚沙走石日光不變是謂吉風
宜吉占刑風着地吹塵漲天轉石揚沙蓬蓬勃勃
乍緊乍慢日光昏暗是謂凶風宜從凶占

歲月日時方德刑墓殺例

干德

甲丙戊庚寅為陽陽德自處甲德在甲丙德在丙

戊德在戊庚德在庚壬德在壬此為自處

乙丁巳辛癸為陰陰德在陽乙德在庚丁德在壬

巳德在甲辛德在丙癸德在戊此為在陽

取合為德假令太歲在甲則歲德在甲太歲在乙

則歲德在庚餘倣此日月時同歲取月月取日日

取時及方時取方歲月同

支德

歲月日時在子德在巳在丑德在午在卯德在申

在辰德在酉在寅德在未在巳德在戌在午德在

亥在未德在子在申德在丑在酉德在寅在戌德

在卯在亥德在辰以次順行前五辰是也

月干德

寅午戌月德在丙

亥卯未月德在甲

申子辰月德在壬

巳酉丑月德在庚

三合

申子辰

亥卯未

寅午戌

六合

寅亥

子丑

卯戌

辰酉

巳申

歲月日時殺

寅午戌殺在丑

巳酉丑殺在辰

申子辰殺在

未 亥卯未殺在戌

吟呻殺

四孟月在酉

四仲月在巳

四季月在丑

歲月日時刑

子刑卯卯為刑下子為刑上

丑刑戌戌為刑下

未為刑上

寅刑巳巳為刑下申為刑上

卯刑

子子為刑下卯為刑上

巳刑申申為刑下寅為

刑上

戌刑未未為刑下丑為刑上

辰刑辰

酉刑酉

亥刑亥

凡刑下來者禍淺刑上來者災深自刑者無刑上

刑下其災尤深謂之三刑者刑上刑下自刑也

五墓

亥卯未木墓在未 寅午戌火墓在戌

申子辰水墓在辰 巳酉丑金墓在丑

干刑

甲刑戌 乙刑巳 丙刑申庚 丁刑辛 戊刑壬

巳刑癸 庚刑甲 辛刑乙 壬刑丙 癸刑丁

十二支冲

子與午冲 丑與未冲 寅與申冲

卯與酉冲 辰與戌冲 巳與亥冲

五音

子午為宮 丑未寅申為徵 卯酉為羽 辰戌

為商 巳亥為角

六情

申子為貪狼 亥卯為陰賊 寅午為廉貞 巳

酉為寬大 辰未為奸邪 丑戌為公正

風角五音

一言宮三言徵五言羽七言商九言角

六屬

庚屬震辛屬巽戊屬坎巳屬離丙屬艮丁屬兌
子午屬庚丑未屬辛寅申屬戊卯酉屬巳辰戌屬
丙巳亥屬丁

乾主甲子壬午甲為陽日之始壬為陽日之終子
為陽辰之始午為陽辰之乾初在子則在午乾主
陽故內子外午內為始外為終也

坤主乙未癸丑乙為陰日之始癸為陰日之終丑
為陰辰之始未為陰辰之終坤主陰故內主未外
主丑

震主庚子庚午震為長男乾初九主甲對於庚故
震主庚以父授子故主子午與父同也

巽主辛丑辛未巽為長女坤初六主乙與辛對故
巽主辛以母授女故主丑未與母同也

坎主戊寅戊申坎為中男故主子中辰
離主巳卯巳酉離為中女亦主子中辰

艮主丙辰丙戌艮為少男乾上主壬對丙故主丙
辰丙戌是第五配

兌主丁巳丁亥兌爲少女坤上主癸對丁故主丁巳丁亥是第六配

以地支十二辰合地干以十干所屬者命之以其言數納其音以主一曰日辰相配共得一音此納音之法假令求甲子則子庚屬便從庚數至甲得七七言商則甲子屬金矣乙丑同屬者陽從陰也兩干兩支相爲陰陽而干支自各有陰陽然後備也求丙寅則寅屬戊從丙數至戊得三三言徵故爲六求戊辰則辰屬丙從戊數至丙得九九言角故爲木餘倣此

李先生曰洪範五行之數水火木金土蓋是順理自北徂南先經而後緯以土之金五音則以宮徵羽商角爲聲主以集五音形其尊卑故自南徂北先緯而後經逆順先後蓋取聲形爲質也數廉其耦聲爲響也陰耦陽奇情動者逆行性定者順入是以有逆順之理爲徵者火也火是南方體合二位故戊巳土同在南方五音之託故以二位成體所以均五多少迎標逆順猶六神之內火魚二將

是也又曰今月初三於寅見震象八日丁上見兌象十五日甲上見乾象十六日平旦辛上見兌象二十三日平旦丙上見艮象晦日見離象朔日見坎象於戊巳中宮此納音所從月來也

五音占風法

五音有納音金木水火土五音十二辰配五行有聽音配五音所主宮爲君商爲臣角爲事徵爲令羽爲物

宮數二爲若身徵數三爲宗廟先人爲鬼帷羽數五爲境界爲妻爲才商數七爲子爲臣爲僕角數九爲病爲死喪

納音

甲子壬申甲午庚辰壬寅戊庚爲陽商乙丑癸酉辛亥乙未辛巳癸卯爲陰商

丙寅戊子甲辰甲戌丙申戊午爲陽徵丁卯巳丑乙巳巳亥丁酉巳未爲陰徵

戊辰庚寅壬午壬子戊戌庚申爲陽角巳巳辛卯癸未癸丑巳巳亥辛酉爲陰角

庚午丙戌戊申戌寅庚子丙辰為陽宮辛未丁亥
乙卯巳酉辛丑丁巳為陰宮

甲申壬辰甲午甲戌丙子壬戌為陽羽乙酉癸巳
丁未丁丑乙卯癸亥為陰羽

凡言宮徵羽商角日倣此

地支十二辰五音法

子為陽宮土主帝王○丑為陽徵火主旱主火災
主宮寺主口舌○寅為陽徵火主旱主火烽燧○

卯為陽羽水主雨霖主水主霧○辰為陽商金主
人將軍主吏士○巳為陽角木主疾病主憂患○

午為陰角土主后妃○未為陰徵火主庶人主土
工主蜚虫主誥主書檄主旱○申為陰徵火主郵

驛尉侯王旱火○酉為陰羽水主霜雪主雷電主
陰沉主電○戌為陰商金主小將主兵刃○亥為

陰角木主死喪災泣

李先生曰自子至巳皆為陰律所生故為陽自午
至亥皆為陽律所生故為陰

五音相動風占

宮日風從子午宮來爲宮動主人君出行急風暴起急出有急令慢風慢出有喜令此日占干之遠近

宮日風從陽宮來山陵崩壞人君出行地動旱有土工風從陰宮來地震裂若后出行又爲旱一曰陰宮之日風從子午宮來君出行陰宮之日風從子午宮來后出行

宮日風從子午宮來時加子午爲重宮君欲行大臣走又爲風雨不調

宮日風從丑未寅申徵來爲宮動徵有火燭有土工寶物出有兵時加徵爲重徵有義兵行有土工有詔令今謂之義風

宮日風從卯酉羽來爲宮動羽主大雨不則大臣出走復早宮君羽臣君怒臣走宮土羽水土盛水衰則火起故復爲旱時加羽爲重羽卽有雨五穀成

宮日風從辰戌商來爲宮動商有兵行且有客兵來時加辰戌爲重商有兵殃

宮日風從巳亥角來爲宮動角主戰人主憂客兵
傷有喪從陽角來邊兵戰有大喪宮爲土爲君角
爲木土動木不勝故君凶木主哭泣故有喪時加
巳亥爲重角君不昌

宮日大風從乾來有暴雨湧水若風不揚塵氣和
暢日光明盛不寒滲者國有喜令從艮來山陵崩
壞人君出行水湧地裂從巽來蝗虫生害五穀從
坤來有土工鳥獸爲害

徵日風從陽宮來土工起大旱火災頻起宮寺從
陰宮來太子有疾時加徵爲重徵有土工火災

徵日風從丑寅陽徵來有火災君有恐走獸爲人
害宮寺多焚從王相來歲大旱又爲火災從未申
陰徵來人君有憂走獸爲害火災一曰六畜多死
徵日風從陽商來有急兵人主以兵自守期七日
遠七十日從陰商來邊有急兵戰一曰風從陽來
輔臣强大臣死民有殃以日占國

徵日風從陽羽來四隣有事實物至陰盛陽且有
雷電霜雹諸侯大臣多火災四夷有兵從陰羽來

寶物出多震電四夷有事

徵日從陽角來有急兵金克木木子火反克金故有兵亦爲有喪從陰角來邊有驚火邊兵大起春有喪

羽日風從陽宮來有才物聚君有吏令邊兵起土工興將受命有集會有寒雪雹從陰宮來雹寒傷物有水有土工

羽日風從陽徵來主有兵有急令臣有憂關梁塞道路不通從陰徵來邊臣憂

羽日風從羽來有白衣聚有大喪夫寒雪雹期五日遠五十日且有大雨從南方來國有憂人多病雨從北方來賊聚水中且有雪雹陽羽日興陰羽夜應

羽日風從商來有兵圍城不戰邊有急關梁不通大雨各軍不利金水相和故不戰羽爲商除害象臣爲君討戰故動必大雨不出戰故也

商日風從陽宮來戒太子忌怨人臣有急兵宮土傷金母憂其子故爲太子亦爲人主有疾從陰商

來庶子有憂有急變兵起北方

商日風從徵來國受令兵行將在外兵還不戰臣受兵令而徵爲號令商爲兵受徵克故兵退且有旱時加徵爲重徵有大旱

商日風從陽商來有白衣聚衆且大雨關梁不通大將死出忌外兵邑有小寇人君有憂國門閉四兵在西方從陰商來國有大殃粟貴有兵風起期七日遠七十日有急令商爲金二金並行故有大兵

商日風從陽角來有猝兵有急令從陰角來商

日風從陽角來有猝兵有急令從陰角來有喪土

工

角日風從陽宮來兵從中起君憂國門四閉從陰宮來有大喪貴人多病有土工宮爲君角主死喪故有大喪

角日風從徵來大臣災亦防火虫生穀貴一曰束歛人才有兵倉粟寶物出

角日風從羽上來有大雨土工與邊有兵卿大夫

管子地員篇卷之六十一
多口舌病亦爲夷人相奪

角日風從商來有急兵一日臣不忠

角日風從陽角來邊兵起人主憂有賊至戰不勝
多死亡從陰角來有大喪一日遠喪至時加角有
喪有邊兵戰盜賊起粟貴民饑野多死人角主死
喪重角尤甚

巳上係古風角及梁梁產本李淳風刪其繁亂然
陰陽五音推宮日占在君以下皆爲大臣令長
庶官小民當之仍以日辰言國

宮日風鳴條巳上發止於宮皆爲人君出從德鄉
來以德事出從刑鄉來以刑事出溫和清明以喜
事出寒慘白濁以憂事出宮風卒起宮宅皆爲土
工作若亂潰則爲聚衆

徵日風鳴條巳上發止於徵卒起宮宅之中皆爲
失火口舌間事追名之憂若風徵來時加徵又止
於徵者

羽日風鳴條巳上發止於羽及卒起宮宅之中皆
爲聚衆若寶物出入船渡水物變之事若風從羽

來時加羽又止於羽者有大雨水亦爲有酒食者
商日風鳴條已上發止於商及卒起宮宅之中皆
爲宮宅內有兵傷若日納音尅時外人來傷主人
時尅納音主傷客若風從商來時加商又止於商
卽宮宅中必有自傷者一曰陽商之月兵起於外
陽商之日兵起於內

角日風鳴條已上發止於角及卒起宮宅之中皆
爲疾不出八年削地奪國若風從角來時加角又
止於角皆爲喪期九日若九十日若時加王爲君
長相爲臣子及妻死囚休爲下賤以風起止之方
決其人及所在

角雜羽爲水死雜徵爲燒死雜商爲兵死雜宮爲
囚死雜角爲病死

大凡風起止日時方位徵多爲火羽多爲水商多
爲兵爲粟貴角多爲疾病宮多爲吉須鳴條已上
落葉揚塵吹沙搖樹乃占

宮日風從徵羽上來皆爲民不安羽上來爲水滂
商上來爲火須蓬勃叫怒吹沙走石日光昏慘乃

占後同

徵日時加徵怒風勃風從商上來天色黃黑疾作
火燒倉庫止於商徵者疾

徵日時加羽勃風從徵商角上來天昏暝爲燒市
羽日時加羽風起羽有疾疫以風止處爲災止之
月如止寅則正月止也

羽日風從陽商角上來起時加徵者月內米貴人
不安

商日風從徵商角起粟貴且火災

商日風從商角上來粟貴人疫

商日風從徵上起火災亦爲粟貴菓貴或時加商
角或從他處起而止於商徵皆爲有災

五嶽之音風角占

五嶽之音以納音爲論若風發折木揚沙走石或
至三日以上乃占不如是及不盈時而止者雖凶
亦無大害

東嶽之音寅卯之角國有大寇人疾病與辛寅卯
是也寅卯之徵有妖言鬼神之書作妖有火災丙

寅丁卯是也寅卯之商有兵客主攻伐之事賊出
燕趙壬寅癸卯是也寅卯之宮帝不安其都其出
行寶物出有善令以才物賜庶人戊寅巳卯是也
南嶽之音巳午之徵國有夷狄之害遠人謀巳巳
戊午是也巳午之羽有江海賊或水船中害人癸
巳丙午是也巳午之商國之大臣親事人民強亂
辛巳甲午是也巳午之角牛羊疫死水中小民移
動巳巳壬午是也巳午之宮欲天下警暴亂賞有
功逐佞人封有德丁巳庚午是也

酉嶽之音申酉之商軍民內移出乘舟沒溺凶壬
申癸酉是也申酉之角貴人有災使者至奸兵起
庚申辛酉是也申酉之宮臣爭財不恤國戊申巳
酉是也申酉之徵有內臣謀逆丙申丁酉是也申
酉之羽霜雹之非時秋水災兵動水賊起民疾病
五穀不熟甲申乙酉是也

北嶽之音亥子之羽蝗虫卒起霧傷萬物癸亥丙
子是也亥子之商外兵爲患水中賊起辛亥甲子
是也亥子之角三公憂喪人疾疫巳亥壬子是也

亥子之宮土工大起兵行丁亥庚子是也亥子之徵皇后憂太子有暴喪乙亥戊子是也

中嶽之音辰戌丑未之宮有土工人流移牛羊疫丙辰丙戌辛丑辛未是也辰戌丑未之徵山賊出流言而民怖恐逃亡甲辰甲戌巳丑巳未是也辰戌丑未之羽民咏妖言有流移之災壬辰壬戌丁丑丁未是也辰戌丑未之商五穀不熟風多災死庚辰庚戌乙丑乙未是也辰戌丑未之角夷狄兵起狄人作難寶物出戊辰戊戌癸丑癸未是也

五音風角占法

李淳風曰凡占風不知風之情聽風之聲五音者五行之聲皆出於黃鍾之管黃鍾管長九寸聲最濁而爲宮其數九九八十一分增減以生上下故三分減宮一分餘五十四三分益一爲七十二三分減一餘四十八三分益一爲六十四以成五音之數聽聲之法必須耳察大小清濁必以度數正之度數正則聲亦正不可以文載口喻姑言其槩云

宮風聲如牛羊鳴窰中隆隆如雷鼓響微風聲如
奔鳥如炎火如縛翅駭走羽風聲如擊濕鼓如麋
鹿鳴子如水揚波激氣相磋商風聲如離群羊如
扣鐘磬如蜚羽之集如鳴咽流水鳴聲感人

宮風發屋折木有土工宮土人君內煩宮爲君怒
則自動其心故內煩不出十日遠百日宮黷也有
所之風以動之不安故有所之且有急令風怒急
也貴臣相捕斬內主不安有疑忌天下兵起上下
不安故兵起盜賊滿市人飢不救國亂上下不相
恤車馳馬奔流亡不止宮土動故人君移也他倣
此

微風發屋折木有火災不出三十日吏憂自行四
方告急事或有大火妖言爲幻百姓驚恐自亂凡
言吏者理人之官土至三公皆是徵主烽燧故四
方告急

商風發屋折木不出七日若七十日有急令兵大
起糴貴國門四閉關梁塞兵從中起
角風發屋折木不出九日若九十日有急令賊鬪

雜大貴民飢相食有死喪疫癘

巳上係風聲占與日辰五音不同然亦須以日辰來方相參課之

禱占五音風

凡五音之風從本墓上來或時加墓或止於墓皆主大臣有死喪疾病或黜或爲火起若蓬勃百聲吹沙走石大凶三日內有雨則解歲墓上來人君不安刑上來后不安月建墓上來宰臣有病至死日墓上來以日占其分長吏死民不安米貴在刑月及本月時墓上來受風之處小兒多死月建刑沖上來受風之處米貴民災若帶角徵日時及方又火災以上蓬勃叫怒吹沙走石天色晦暝乃占若天色清明氣色溫和不揚塵走石其風雖大未可以此斷

凡五音之日風來色黑不覩人面先緊後慢經刻止者主病疾惟宮日占在君其下四日以日占其地大臣死民流亡期以干支合數假令甲子日二九之數近十八日遠百八十日更遠九年

諸宮日風頻起白日沉冥霧氣四塞或熱或寒邊境不寧臣下逆命

宮日寒風切切人懷慄戰人君用刑急刻誅罰不忠宮日亂風啾啾有聲令人悲慘鳴條落葉冷氣逼人有大喪大臣殃

宮日蕭蕭習習擺樹鳴條去地稍高不揚塵土日色清明天氣和暢或從歲月日德及合上來謂之德風天子有德大臣忠正天下太平

凡受風之日風從乾上天門起鳴條已上至發屋折木風氣清涼止於合德日光明潔是謂主風

宮日風起坤鳴條已上不揚塵土天氣清爽日光明盛是謂相風皆為天子有德臣子忠孝歲熟民安四夷臣伏

庚子日陽宮之日夜半宮時大風從子來折木發屋至于辰此為宮入墓天子有憂喪白服大臣死期九日若九十日

庚午陰宮之日日中夜半大風從子午起折木發屋止于辰此皇帝卒暴病期九日若九十日

庚子陽宮之日夜半風從酉上起止于午風調不怒不勃天子有喜若立皇后期九日若九十日

庚子陽宮之日夜半風從酉上起止于午風調不怒不勃天子有喜若立皇后期三九日

丙戌陽宮之日有風從未上來止于戌民憂疾病以日占國此是刑例其餘依此占之

諸徵日風從艮上起天氣清涼日色和暖赤黃雲滿天天下和平五穀風熟君安國昌

徵日風炎炎熱氣逼人或是在徵上來或止于徵或帶刑殺五墓皆有火災不出三日

諸羽日風從坤上起鳴條已上至發屋折木白氣溫和天色清爽白雲滿天天下安寧人主壽昌

羽日疾風天下人大疾疫多盜賊

諸商日風從巽上起鳴條已上天日清明氣色和好清白雲徧天天下安寧人主壽昌

諸角日風從乾上鳴條以上天氣清爽日色明盛黃雲徧天君令大行百姓安五穀熟角日疾風天下昏兵大起期二十七日以日占其

地舉此爲例凡五音之墓皆準此也

四季受角之日風從未上來連三日至九日人疾
病若風從已上來寒慘止于未者人死喪以日占
國期九日若二十七日五音日皆準此

巳巳受角之日風從巳亥上來止于亥酉巳者爲
大夫長吏客喪亦爲民殃以日占國

凡風從五墓又止于墓爲喪事官羽墓在辰商墓
在丑徵墓在戌角墓在未宮主君四音主大臣國
歲及民死喪

風從五音王相方來止於王相人主壽昌百姓平
安

五音主客占法

凡日辰納音爲客風從所來之方爲主日辰納音
甲子乙丑商爲音丙寅丁卯爲徵是也風來之方
子午爲宮丑寅未申爲子是也假令今日甲子納
音商爲金而風從未申丑寅上來爲商動徵火克
金主人勝若風從已上來受制於金客勝

日辰納音爲客加時爲主人假令今日丙寅納音

是火風起之時時加卯酉爲徵動羽羽水尅火主人得羽主人勝若時加辰戌爲徵動商商金受徵火尅主人得商則爲客勝他倣此又如今日甲子商客也時加丑未寅申爲主人勝而風又從丑未寅申上來是兩火共攻一金主人大勝餘準此又風從日刑上來客勝時刑上來主人勝此謂時與日相刑也

凡言主客之法軍從遠來者爲客居其地者爲主又先起者爲客後應之者爲主若兩相持以先動者爲客後動者爲主如兩人相擊以先舉者爲客後舉者爲主有氣勝無氣敗凡言主客準此

筮窺輯要卷之六十三

六安黃 鼎玉耳父纂定

男九命簡臣

九思視先

九成

桐城方兆及子詒全閱

風角六情占法

北方之情好水也好行貪狠申子主之水生于申
盛于子其性趨下浸淫漸漬觸物而潤故其情為

好好而無厭則爲貪婪故謂貪狼主貪財嗜利強
奪橫取欺謊詐騙攻劫盜竊之事其日風從本方
上來不出七日關梁驚不則有兵往攻他界貪狼
之日時加貪狼風從貪狼上來則有盜賊劫奪人
財禍起北方若寒惡昏慘則傷人不則小盜公正
上來有報仇怨者揚兵相擊歲月在丑未大凶奸
邪上來有惡人持物而至貪狼上來有人持物相
賂寬大上來有人持禮相候欲求財物陰賊上來
有人以陰賊事相連引出不則出外爲獸所傷貪
狼之日時加奸邪陰賊風從奸邪或從陰賊上來
必有盜賊劫殺之事

東方之情怒木也怒行陰賊亥卯壬之木生于亥
盛于卯其性屈曲受水而生貫土而出陰殃閉匿
故其性爲怒而還賊所養故謂之陰賊主陰謀陷
害屈曲邪佞叛逆戰鬪暴戾殺傷之事其日風從
本方上來不出七日有陰賊偷營劫寨之事陰賊
之日時加陰賊風從陰賊上來有陰格鬪在所部
內必傷人貪狼上來有賊自爭財物相殺公正上

來外人謀內寬六上來有客行財與人廉貞上來
有稟穴之事爲人所劫一曰士人爲劫奸邪上來
有婦人從東而來若東家婦人勾引之事伺隙而
爲盜者陰賊之日時加貪狼風從奸邪上來或止
貪狼陰賊必賊亂殺人事

南方之情惡火也惡行廉貞寅午壬之火生于寅
盛于午其性猛烈無所容納故其情爲惡惡則忿
惡疾邪不染污穢故謂之廉貞壬賓客禮儀嫁娶
燕享圖議忠信舉用賢良遷官慶賞之事其日風

從本方上來有相辨怨之事一曰有長者千里來
相慶賀廉貞之日時加廉貞風從廉貞上來清和
調暢有貴人慶賀燕樂若帶刑殺或昏暝寒慘則
因而生怒貪狼上來有人爭財一曰有客來求財
物寬大上來有遷官召命貴客酒食燕樂一曰有
人以財物來求好公正上來貴人有所事相問一曰
有報仇怨者奸邪上來有人上符文召發事不則
有奸人設計相給陰賊上來有賊欲劫竊不帶刑
殺無害廉貞之日時加寬大風從廉貞或寬大上

來有貴人以酒食來而相樂也

西方之情喜金也喜行寬大巳酉主之金生于巳
盛于酉其性剛利利亦加物無不寬大故其情喜
悅主秋成乾天體大故謂之寬大主福祿賞賜及
酒食施與貴人君子聚集賜賀單恩賞賚之事其
日風從本方上來兵事在外不戰有喜寬大之日
時加寬大風從寬大上來有貴人請召飲食賜予
奸邪上來有妖人爲怪婦人欺夫一曰有乘我不
虞以爲欺者貪狼上來有爭財者一曰有惡人相
遺物廉貞上來有遷官賞賜陰賊上來防陰賊詭
計公正上來貴人召問寬大之日時加廉貞或寬
大風從廉貞寬大上來有貴客至有喜慶事
上方之情樂樂行奸邪辰未主之上方北與東也
陽氣之所萌生故爲上方辰窮水也未窮木也木
落歸本水流歸東木利在亥水利在申利而無阻
故樂水性智智窮則奸水性上出窮則旁行故謂
奸邪主欺給不信淫泆邪慝蔽善興惡奸邪疾病
之事其日風從本方來七日內有賊若陰誑詐虛

驚一曰風日晴和帶德則爲婚姻往來寒慘帶殺
則爲奸爲賊奸邪之日時加奸邪風從奸邪上來
主人見謀若出遇疾病陰賊上來有宿怨者相攻
有流血公正上來有人來欲執仇怨廉貞上來有
文書若以奸盜相引貪狼上來有賊謀持物而去
寬大上來有人相請因酒食生病妖邪之日時加
陰賊有風從寬大上來有持酒禮相候謀賊害者
下方之情哀哀行公正戌丑主之下方南與西也
陰氣之所萌生故爲下方戌窮火也丑窮金金也
金剋火強各歸其鄉火行于午金行于酉午與酉
火金之盛也盛時受制至窮而無所歸故哀火性
無私金性至剛故爲公正主報怨復仇主諫諍主
驚恐主兵主誅暴亂主訟事其日風從本方上來
有忠臣直諫國有喜報仇有功兩軍相守大將來
降不出七日敵兵自敗公正之日時加公正有風
從公正上來吏人相爭仇人報怨陰賊上來下人
凌上好邪上來人有欲告言部吏私財物者貪狼
上來有亡失逐縱相牽引有吏爭財物相傷者廉

貞上來有遷官之事寬大上來有出逢酒食公正之日時加廉貞有風從奸邪上來有誠信之士報怨而來詐人

六情例

第一本情甲乙主之第二合情丙丁主之第三刑情戊己主之第四冲情庚辛主之第五鈎情壬癸主之

本情用本日支辰合情用本日支辰所合刑情用本日支辰所刑冲情用本日支辰所冲鈎情用本日支後第三辰陰日用支前第三辰

本情

甲子陽商貪狼乙丑陰商公正甲申陽羽貪狼乙酉陰羽寬大甲辰陽商奸邪乙巳陰徵寬大甲戌陽徵公正乙亥陰徵陰賊甲午陽商廉貞乙未陰商奸邪甲寅陽羽廉貞乙卯陰羽陰賊

合情

丙寅陽徵陰賊丁卯陰徵公正丙子陽羽公正丁丑陰羽貪狼丙戌陽宮陰賊丁亥陰宮廉貞丙申

陽徵寬大丁酉陰徵奸邪丙午陽羽奸邪丁未陰
羽廉貞丙辰陽宮寬大丁巳陰宮貪狼

刑情

戊辰陽角奸邪巳巳陰角貪狼戊寅陽宮寬大巳
卯陰宮貪狼戊子陽徵陰賊巳丑陰徵公正戊戌
陽角奸邪巳亥陰角陰賊戊申陽宮廉貞巳酉陰
宮寬大戊午陰徵廉貞巳未陰徵公正

冲情

庚午陽宮貪狼辛未陰宮公正庚辰陽商公正辛
巳陰商陰賊庚寅陽角貪狼辛卯陰角寬大庚子
陽宮廉貞辛丑陰宮奸邪庚戌陽商奸邪辛亥陰
商寬大庚申陽角廉貞辛酉陽角陰賊

鈎情

壬申陽商寬大癸酉陰商貪狼壬午陽角陰賊癸
未陰角公正壬辰陽羽公正癸巳陰羽貪狼壬寅
陽商陰賊癸卯陰商廉貞壬子陽角寬大癸丑陰
角奸邪壬戌陽羽奸邪癸亥陰羽廉貞
凡言六情之日依此時與方止用支辰以本情言之

管窺輯要 卷之六十二
六情風鳥所起加時占

巳酉寬大之日時加巳酉鳥鳴其上若時加王相
當言爲長吏休廢囚死當有酒食時加寅午有酒
食辭讓者時加丑戌有酒食口舌爭訟時加亥卯
有以酒相謀害者時加辰未
有酒食女人口舌時
加甲子有酒爭財

申子貪狠之日時加甲子鳥鳴其上若時加王相
當言羣賊攻劫休囚廢死當言有盜賊事時加寅
午有善人說攻劫事時加巳酉有酒食言攻劫事
時加丑戌有盜賊詞訟或文書追盜賊事時加亥
卯王相則有羣盜攻劫休死小盜時加辰未有婦
人說盜賊事

寅午廉貞之日時加寅午鳥鳴其上時加王相當
言長吏休廢死囚當言諫諍事時加巳酉有遠書
至時加甲子有酒食爭財物事時加辰未有私婦
女口舌時加丑戌有酒食時加亥卯有酒起爭相
殺

丑戌公正之日時加丑戌鳥鳴其上時加王相有

長吏公正之事休囚當有吏來相慰問時加巳酉
有公正酒食賜予時加寅午有公正辭讓慶賀時
加辰未
有吏來說陰私盜賊事時加甲子有吏來
說公正欺詐事時加亥卯有吏來說盜賊相殺事
亥卯陰賊之日時加亥卯鳥鳴其上時加王相羣
賊大戰囚死有爭鬪相殺之事時加巳酉有酒食
相傷時加丑戌有吏逐賊相害時加寅午有婦人
鬪傷事時加辰未
有婦人奸事鬪傷時加貪狼有
兩賊自相攻劫

辰未奸邪之日時加辰未鳥鳴其上時加王相當
言有長吏來捕奸詐休囚當有口舌事起時加寅
午有謙恭人言奸淫事時加巳酉有酒食陰私事
時加丑戌有吏來捕奸私陰謀事時加甲子有陰
謀爭鬪劫殺時加亥卯有賊兵相害事

巳上六情日鳥鳴及本情方上風起則課其時依
上占凡陰賊之日有風從辰戌丑未上來時加四
季或羣鳥飛從四季上來時加四季皆為有閉關
搜索之事若值休廢囚死即在近道四季者即辰

戊丑未假令今日風起市中若羣鳥疾飛從其方
來卽時搜索欲知其所捕何事時加丑戌則是仇
怨辰戌則是盜或殺人賊亥卯王相是大戰

十二風并十二支辰風占

巫咸曰諸甲日大風丙丁日必雨不雨海中兵起
乙日大風粟貴邊夷內侵丙日大風有猝兵來圍
城丁日大風天傷物人畜俱有喪有旱戊巳日大
風土工興食物貴庚辛日大風虫生人病宜急防
邊兵壬癸日大風北夷侵邊子日大風兵起水中

丑日大風粟猝貴寅日大風黃赤氣四塞有大災

卯日大風蝗虫大起辰日大風人民移堡居集大
將出行巳日大風有大旱午日大風防邊事急未

日大風土工大作申日大風暴賊攻劫穀貴酉日
大風蕭蕭濡潤大雨水災戌日大風狄兵大起亥
日大風兵賊相攻人民哭泣

巳上不論五音六情但風起鳴條巳上叫怒蓬勃
揚沙走石折木發屋吹塵漲天日色昏沉天氣寒
慘則依占之仍以久近言災之大小

天門風占

天下多有出風之處名山大川皆有風穴惟天門
風出可占天門者乾方也戊亥同爲乾天門上發
風擺落木葉而天氣清明日光輝盛者天子有德
令行天下臣民皆喜天門上發風去地尺餘不動
塵土拂拂然天色清明黃赤雲徧天者謂之祥風
天子有赦令囚人出獄

天門上風先急後慢拂拂經時黃雲徧天忽狹微
雨忠良在位民安君樂天門上出風初慢後急吹
沙折木黑氣徧天經時而止謂之邪風佞臣用天
子憂風止雨降則解

天門上出風初微漸大擺樹有聲如雷吼經時乃
止天子欲行急令有赦年豐半日止五穀成賢人
來天下安一日止有大赦不出一年日半止天子
發大使出安邊行德令撫問之事二日止外國來
朝貢天子國有大喜二日半止天子欲行南郊禮
大赦天下三日止天下五穀成大遠夷入貢若風
帶熱氣天下五穀蟲傷一分帶冷氣民勞苦風色

黑慘陰濁天子有病三年災民不安物不成

八方暴風

北方坎風名曰廣莫風主冬至四十五日京房曰
四時暴風起於北方主盜賊起天下兵動令人病
濕滯不能起居北方主水主盜賊

東北艮風名曰條風主立春四十五日四時暴風
起東北方鬼行人道多旱疫一日天下水令病人
瘦變容冬春之交萬物變良為鬼門

東方震風名曰明庶風主春風四十五日四時暴
風起東方人流盜賊起相攻天下旱霜歲飢令人
病變節四肢不可動搖

東南巽風名曰清明風主夏四十五日四時暴風
起東南方人多病洩痢乳婦暴病死
南方離風名曰景風主夏至四十五日四時暴風

起南方有火災來年旱人多病熱生瘡目盲離為
目
西南坤風名曰涼風主立秋四十五日四時暴風

起西南方天下兵動日月失色令人食不入口病

腰脊股膝肩背皆腫坤為衆故兵動陽衰故日月失色

西方兌風名曰闐闐風主秋風四十五日四時暴風起西方秋旱霜天下兵動日月蝕人多患瘡疥癰

西北乾方名曰不周風主立冬四十五日四時暴風起西北方天下大飢有盜相攻人流亡有神不起日月失色地動人多病疽疥癩惡瘡疫死喪

右八方暴風但風起其方即依上占京房曰八方風候及八卦風氣春白夏黑秋赤冬黃皆為下逆上兵革動各隨其部日辰占之乾為折風一曰冲風坎為太剛風艮為凶風震為嬰兒風巽為弱風離為大弱風坤為陰謀風一曰諫風兌為小弱風以上八風折木發屋飛沙走石三日不雨則占大凡風起風為陽雨為陰陽雨得陰則解風怒得雨則解

風之遠近總占 司大監李淳風纂

從十里而來則動葉自百里而格則鳴條搖林木

葉核爲二三百里之限折大小枝幹乃四五百里
之約飛砂石有十里之遠拔大木及千五之遙半
日半夜爲五百里之風一日一夜是千里之化三
日三夜則風起三千七日七夜則風遍天下若近
川澤水濱風氣異常可話○巽爲風風從虎虎嘯
風生

風有四時八節之風凡風不鳴條爲太平風君有
聖德五口一風五風異色王欲立箕星好風景風
四氣和爲通政之風夏立亦名景風谷風常颯颯
春風爲羊角風春分爲和風夏風爲凱風夏至爲
景風小暑爲溫風立秋爲涼風秋分爲闐闐風冬
爲廣莫風北來涼朔風凡八風自入宮而來坎爲
廣莫風艮爲條風震爲明庶風巽爲清明風離爲
景風兌爲闐闐風坤爲涼風乾爲不周風此爲八
風
八卦風乾爲折衝金風風從上來爲主將憂死勿
戰客小勝○坎爲水大剛風風從上來主人不利
爲客不勝○艮爲土凶小剛風風從上來爲客大

管輅神書 卷之六十二
勝不利主○震爲木元山風風從上來爲客不利
主人小勝○巽爲木小弱風風從上來爲主勝客
不利○離爲火大弱風風從上來爲主勝客不利
○坤爲土涼風風從上來爲主勝客不利客○兌
爲金小風風從上來爲客大勝前多伏兵宜備之
○五音風商日大風折木從寅丑來三日七日賊
各自解不明交戰可以知之丑爲商墓他倣此
從角上來寒慘急者賊在吾軍有陰謀角日風從
角地來者時加子午若辰戌寒冽急者攻城必下
何以知之子午是宮辰戌亦宮宮爲土角木冠之
故攻城必下近期九日遠四十日

宮羽日風從宮上來乍南乍北或東或西七日兵
逃假令卯日寅時風從卯上來復轉從寅申上日
無光寒尅者賊有反間在吾軍不然欲叛

羽商日大風折木從商上來者日中夜半城宜固
守風若壯攻不下客敗何以知之羽商雖子母爲
強水畏土勢不利客自衰近期九日遠七十日
宮日占風子爲陽宮午爲陰宮辰戌陽丑未陰宮

管子 卷之六十一
日子上來風來有賊欲來攻劫掠當備之申未之
日丑卯辰巳風來大賊必至當防邊境一云兵起
戌上風來賊擬攻城若從亥卯來大將戰死從歲
刑上來用兵不利

商日占風辰陽戌陰商日大風從丑上來三日七
日客軍退散解兵不來風從巳來必有大戰風從
商來兵起西北從亥來內有謀反損士警覺施德
惠子午風來日中夜半發屋折木軍當潰散日色
既光主客俱亂軍在王相之上者吉

角日占風巳湯亥陰角日風從午來急兵暴起必
有喪亂戌上來亦有賊動當准備之甲子風來
或從亥地日中夜半寒冽者賊來攻城將死城破
風從角來發屋折木日中夜半賊來圍城主人奔
走角日暴風卒起揚旗發屋必有大戰流血橫屍
在九日內徵日占風寅陽申陰風從巳來有賊將
至欲擬攻城徵日戌時戌上來必有兵亂從亥來
奸相謀欲擬攻城當備之羽日占風卯陽酉陰風
從辰巳卯來有戰有喪賞勞禳之風從亥來有敵

管窺輿要 卷之六十一
圍城甲子上來雨寒者賊來欲絕河糧城毀將死
之兆

又五音占風宮商角徵羽謂甲子乙丑商丙寅丁
卯徵之類他倣此

凡羽日大風糴貴宮日風民恃賊聚會商日風邊
將憂角日風皆爲有兵宮日大風必有土功

若從申酉上來有徵召事卯酉上來施恩事辰戌
上來多疾病寅丑上來山有大崩子上來有賊在
北

商日大風子午上來大兵入界巳上來有歸義人
未上來財物散申上來白衣會酉上來兵大戰戌
上來大兵至亥上來大喪丑上來有大災辰上來
盜賊公事卯上來有雨

徵日大風揚沙子上來爲符支書卯酉上來爲大
火災辰上來爲驚巳亥上來人多死午上來土功
興寅丑上來亦爲火災申上來爲賊亥上來爲客
傷

角日大風動徵有大會聚斂人財動羽上爲土功

管窺輯要 卷之六十一
若大雨動商爲大兵動角爲邊兵主人凶動宮有
憂

陽徵之日風從陽徵上來時加夜半皆爲都市府
寺有大火災起

凡子日大風日光沉沒兵起水中丑日大風掃地
揚塵爲粟卒貴寅卯日大風及有赤氣黃塵埃爲
災若食物不入卯日有蝗蟲生辰日大風日無光
者大將走出巳上大風旣常蓬勃必有大旱

午日大風午遲乍疾人不安未申日大風濛濛細
細者有土功役酉日大風有兵水戌日大風塵霧
排天胡軍自起亥日大風兵相攻人多哀哭

凡占風亦以六情觀之寅午廉貞主客遷召申子
貪狼主求財強取亥卯陰賊主攻劫陰謀丑夫公
正王公事巳酉寬大主酒食辰未奸邪亦主疾病
邪佞

凡乙卯日出時大風從卯上來爲暴水

秋壬午癸巳日有大風從南來冬甲辰戌卯日有
風從四維來南寒冽者皆爲賊起巳有賊動必相

攻擊亦主謀反之事又云四時有上下八干日風賊入界若晝夜三日內必有賊圍城

凡軍在外營陣卽成旗鼓旣張無故暴風卒起卷幕傾斜旗旗頓倒此風不禎主將失位兵人叛散軍須犒勞別擇吉地安之

凡守城風起西南來者主人急固守勿動○風揚旗幟東西南北迴轉周旋將軍死軍散不可出戰風繞旗竿垂而向下軍敗將亡

凡出軍之日風雲相冲必有大戰風雲先止處爲弱風來逆者行而當止賊多伏匿戰而不勝風忽前後相迎爭勝負在兩陣之間風隨其後微吹旗幟前而指敵軍必萬勝忽有迴風入城營先寒後溫必有疾疫移營當吉

風從離坎與月殺同至不利出戰宜自固守風從歲殺上來軍必大敗風從月殺上來流血小破不可興兵○歲月德上風敵強歲月刑上風來賊弱宜急攻之○六癸風來其賊可擒六甲風來賊不可擊擊必軍破

管窺輯要 卷之六十二
奸邪陰賊之日風急賊當立至不可以戰宜固守
風緩賊來遲風起王相賊來急日色昏暗賊可追
之
敵上風來寒冽急者宜自固備必欲攻我若合三
刑賊擬攻我固守竒伏待來擊之歲刑風急大賊
迅來不利接戰出軍遇此不可前進王相不利客
休囚而主凶月刑風急九日賊至日刑立至若無
大戰必來殘掠
風從卯巳轉至申午賊必來速時併刑殺囚死休
廢吹沙走石必有大戰

乾坎艮震風來客勝巽離坤兌風來主勝王相即
吉休廢利亦不吉假令日是戌風從辰來必有大
戰亦主大災

辰日風從寅丑上來折木發屋有軍各迴兩自歸
解不利相守卯日寅時風從卯上來轉從申起賊
必有謀在于吾我密宜覺之卯酉之日辰戌風來
日中夜半賊擬圍城急宜固守七十日內賊必自
走有風無塵旗旛不動有征無戰亦不可攻賊兵

強士勇出寅之日倣此

風忽卒起忽動忽止來往相冲半道逢賊先宜准
備廻風急雨擊列軍幕內有謀反急宜警覺

春丙丁夏戊巳秋壬癸冬甲乙此日有風賊來侵
境兩軍相對風從四維上來軍營幕上者敗春在
未夏在戌秋在丑冬在辰

凡風晝止夜起賊必夜至晝動夜止白日來至
歲上風急將軍死時加丑戌亥卯風起止于辰未
客軍潰散將死土亡

凡歲前五辰歲後五辰風來所攻必勝

春甲寅日風從申來國內有喜必有天赦風從敵
來入吾軍營賊欲投降將軍加秩四方轉隨風動
賊來軍宜警備固守

凡風乍來乍去賊欲退警風起忽東忽西賊有伏
兵三日內有雨免災

凡出軍日風雨逆人將士潰散宜別擇日進之風
雨相冲必有謀反士衆欲叛散奸人相間

風起西北却廻東南四轉五復將士貪欲謀將軍

管窺輯要 卷之六十二
宜警覺之敵上風來寒冽迅惡將軍不吉抽迴禍
止

申日巳時時或加酉風起于戌或曰其賊欲降
乾上風來溫我捷坤上風冽賊來攻劫擬欲謀戰
勿接之吉離風客勝賊不可攻宜自固守艮風卒
起而合三刑十日賊至急宜準備

凡風忽起發于水時火日賊來敗之期土日賊到
宜軍避之風止可以追賊諸風倣此

巳酉寅午丑戌之方風從上來賊必欲降逆風諸
風蓬勃四方雨起或上來觸地爲之逆風不出月
有賊若三日內雨災消

諸奸邪陰賊貪狼受商之日有風從商上來白濁
民宜速避三日巳上有大兵起期四十五日遠七
十日

丙辰辛未丙戌辛日此四季受害之日風從四季
上來折木五日巳上至九日風止子午上者此夷
狄君王萬里上貢近九十日遠百五十日
又占八風之法常以立春春分立夏夏至立秋秋

分立冬冬至觀八風所冲卽知其所主之事

立春之日天氣清明則善陰則旱傷黍小有雲雨
則年豐大樂順風更佳條風來萬物不成涼風來
春分寒明庶風來順閭闔風來旱兵至清明風來
多蟲廣莫風來北狄來不周風來霜損物景風來
必旱

春分之日天氣清明萬物不成明庶風來不順閭
闔風來兵起清明風明多蟲多暴死不周風來多
寒景風來五月先水後旱廣莫風來豆不成涼風
來小傷條風來米貴

立夏之日天氣清明旱不周風來年凶景風來禾
焦廣莫風來多雨涼風來人多不安條風來地動
人疫明庶風來雷非時閭闔風來蟲清明風來喜
夏至之日天氣清明旱廣莫風來夏有寒條風來
山水暴出涼風來六月多雨水閭闔風來多霖雨
明庶風來八月多病不周風來寒傷清明風來九
月風落物景風來年豐
立秋之日天氣清明萬物不成涼風來五穀成條

管窺輯要 卷之六十一
風來氣逆閭闔風來八月兵起將死明庶風來秋
雨清明風來卒兵廣莫風來多雪景風來旱不周
風來年春米貴

秋分之日天氣清明萬物更生明庶風來物不成
閭闔風來年病不周風來多賊清明風來多風廣
莫風來冬雪多景風來兵在南條風來十二月多
陰景風來土功作

立冬之日天氣清明萬物不成不周風來人主改
教景風來多疫條風來地氣洩涼風來水食倍貴
明庶風來人不安閭闔風來敗人在山清明風來
逆廣莫風來冬大霜雪

冬至之日天氣清明萬物不成明庶風來雷不發
景風來乳婦多死廣莫風來人安條風來陰沉涼
風來有蟲閭闔風來多雨清明風來傷萬物不周
風來多寒

凡風起多有雨應之如子日東風卯日雨等是也
常以平但候風從東方來正而不轉移一日或半
日者至其中日皆有雨若多疾者雨多風微遲者

雨少從平旦至鷄鳴爲一日其暴雨不在東風之應

凡軍營卒有暴風惡氣飛沙揚土旗竿偃楹者當取四害上土作泥人長三大尺帶桃劔挑弓蘆箭披髮向風所起從來呪曰天有四狗以守四境吾以亦有四狗以守四隅以城爲山以池爲河寇賊不得過來者不得避去者不得進呪訖勿顧若不

能呪棄四達之道殃除矣
凡旋風爲不吉之風角日旋風突人有疾病羽日大旋風吹人身上物落入水者聚衆事宮日旋風突人宅舍憂移或有爭鬪事商日旋風吹人落落爭財見傷殺事徵日旋風突人宅有爭訟事

凡見敵營壘上若有旋風惡擊之當獲其功敵上若有旋風起來入我軍營中其敵欲降擊之有功仍以式看之若有奸邪臨日恐詐降伏必亂吾軍殺之勿從○旋風于軍前飛揚上天大戰必勝之兆將軍加賞獲敵之糧兼增士卒旋風卒起而合三刑兼從五墓賊有伏兵有鏡賊欲到必當損將

警備固守之吉旋風起營向上而出逢賊吾敗若
遇時行利王宜疾擊之者若當日刑利客旋風指
而上徹于天急戰被賊大勝

凡軍營中數有旋風不出三旬軍當被敗宜自固
守勿侵他境吉○出軍有大風隨後滅跡軍不迴
亦名鬼風

海運誌中察潮汛法

竊惟潮汛雖天地呼吸之氣亦波濤消長之機舟
人泛洋不可不察以南海而言每月二十七日潮
生津長至初一二初三初四日漸消至初五潮落小
汛潮至十三十四潮生子時潮滿丑時潮退長至
十五卧大潮長寅時潮滿辰時潮汛退十六十七
十八大潮十九漸消二十小汛午時滿未時退每
月如此東海亦然以北海而言與二海稍異每月
十三大潮漸長至十七午時潮滿申時潮退二十
退潮至二十七為小潮二更潮滿寅時退二十八
漸長大潮初一二午時長滿未時初三漸退初四
十二退為小潮二更潮滿寅時退週而復始每月

如此

八卦時候風圖

坤 寅卯巳午吉 亥子凶 兌 巳午辰戌未 吉寅卯時凶 乾 辰未申巳午 吉寅卯凶

離 子丑寅卯吉 辰吉申酉凶 震 甲午亥子吉 辰戌丑未凶 艮 寅卯巳午吉 辰未時凶 坎 辰未寅卯申 吉巳午未凶

看定風旗
風從何方
來查驗防
避吉凶先知

巽 寅卯辰吉申 酉時凶 震 甲午亥子吉 辰戌丑未凶 艮 寅卯巳午吉 辰未時凶

占風歌

魁罡氣白黃隄防風勢狂早間日曬耳狂風即時

起早白與春赤飛砂及走石午前日忽昏北方風

怒噴午後日昏暈風起須當慎日月忽後圓風來

不等閑雲掩日不動風勢如山重反照色黃光明

朝風必狂天道忽昏慘狂風時下感天色赤與黃

頃刻大風狂黑雲片片生眼底主狂風黑紫雲如

牛狂風急似流雲勢若魚鱗來朝風不輕黑雲北

方突暴頻風大毒黑雲半開閉大颶隨風至雲起

亂行急風勢難當抵狂風來不少辰闕電光飛大

颶必可期連日雨朦朧必定起狂風星辰若晝見

頃刻狂風變

規輯要卷之六十二終

管窺輯要卷之六十三

六安黃 鼎玉耳父纂定

侄九錫公位

九疇倫叙

九如眉介

桐城方兆及子詒全閱

風角總占

風噫氣也生于四時起于八方其時宜而方順則吉否則凶第其氣有聲無形不可圖像故但

管窺輯要 卷之六十三
列其占於左云

風色

風氣如常來從四方五經通義曰陰陽氣散爲風
風氣無根先儒以風從四方四隅來故謂之角玉
冰曰風者教之始天之使也所以主發號施令
其政鳴柝啓圻其化鼓舞飄揚玉冰曰風氣所生
正當鳴柝啓圻若氣風施化則飄揚鼓舞其爲變
則木拔草除也又曰景霽山昏蒼埃際合崖谷若
一岩岫之風也黃白昏埃繞空如堵獨見天垂川
澤之風也如以黃黑白埃齊下山澤之猛虎也
頌平則清和明靜政治則天氣溫涼宋志曰凡風
之類清和明靜天氣溫涼塵埃不起人民悅暢爲
祥風祥風者瑞風也亦曰景風又曰和風人君政
頌平和則祥風至君聖政治則春無淒風夏無苦
雨尚書洪範曰聖時風若董仲舒曰太平之世風
不鳴柝開甲折萌

發屋折木者爲怒宋志曰發屋折木名曰怒風也
揚沙轉石者爲狂宋志曰揚沙轉石名曰狂風也

勢紛錯交橫任小人而疎君子宋志曰風來其勢紛錯交橫乍起乍止深藏難測其聲聒耳者爲小人昧惑之風君任小人疎君子

聲啾啾慘切不疾疫而必大喪宋志曰風來其聲啾啾令人慘切爲大喪之風黃帝占曰或主疾疫也

慄慄蓬勃大兵將至宋志曰風來其勢慄慄南北雜起高下蓬勃爲大兵將至之風

炎炎恍惚火旱爲殃宋志曰風若炎炎如火奔馳乍起乍止爲火旱之風黃帝占曰風氣恍惚炎炎盪人如火或遲或疾爲火旱風也

大風橫霧兮白日沉沉主上昏亂今政化未明宋志曰風來其勢冥冥白日沉沉黃霧克塞太陽醫精主上昏亂政化未明黃帝占曰主上昏亂政化未明

觸塵蓬勃者爲勃亂宋志曰觸塵蓬勃爲亂之風也

扶搖羊角者爲飄風宋志曰扶搖羊角爲飄蕩之

風也

凜冽而人懷戰慄刑罰暴急宋志曰風氣凜冽爲刑罰暴急之風也

卒起而南北靡定上下不寧宋志曰風來其勢暴急南北不定離合紛埃此爲上下不定之風也

八風

聖人在上時風乃若賢人在朝八風循道宋志曰八卦各有主方于本卦方上來者爲正風從其冲出者爲逆風以時至則陰陽和合化道成是謂八風循道聖人在朝則其風應時以爲瑞慶王者當順八風而行八政尚書洪範曰聖時風若

立春有條風而艮生宋志曰立春之節東北方艮卦用事赦小罪出稽留則其卦氣應而條風生如從衝來則爲逆風主兵起其日若天氣晴明少雲則歲善而收陰則早蟲傷禾稻春秋考異郵曰條風者條達也達生也言此方上風來生萬物也其日風從乾來暴霜物坎來大寒北夷侵掠艮來歲豐五穀收成震來氣泄百物不成巽來歲多風百

蟲死離來旱傷生物坤來春乃多寒六月大水人多愁嘆兌來兵起霜寒爲災

春分有明庶而東作宋志曰春分之節正東方震卦用事正封疆修田疇則其卦氣應而明庶風至如從冲來則爲逆風王者宜防左右若刑殺昏慘者凶其日東方有青雲則歲必熟若晴明則物不成春秋考異郵曰明庶風者明萌也庶衆也言此方風至衆物生也其日風從乾來歲多暴寒金鐵貴坎來飢疫菽豆不成艮來憂穀不熟震來五

穀成而歲康巽來時生百蟲四月暴寒離來五月先水後旱坤來歲有小水人多瘧疾兌來蝗蟲大動

清明出巽當立夏之時宋志曰立夏之節東南方巽卦用事出帑帛使諸侯檢重囚出輕繫斷薄刑決小罪則其卦氣應而清明風至如從冲來則爲逆風主小凶其日南方赤氣生則歲豐若晴明則旱春秋考異郵曰清明風者清精芒挫之時麥之屋秀出已備故其鋒芒收挫使成實也其日風從

乾來霜殺夏麥其年民飢坎來其歲多雨魚行人道艮來山崩地動人多疾疫震來雷動非時震擊百物與來其年穀豐離來夏旱禾焦坤來人多不安萬物損傷兌來蝗蟲大動

景風南來入夏至之日宋志曰夏至之節正南方離卦用事爵有德祿有功贊俊傑遂賢良則其卦氣應而景風至如從冲來則爲逆風臣子爲亂其日南方有赤雲則歲豐晴明則旱春秋考異郵曰景風景強也強以成之言萬物之強盛也其日風從乾來人畜不安坎來水旱多疾艮來蟲傷禾稼震來旱潦不時與來田禾焦爍離來五穀豐穰坤來兵旱交侵兌來干戈擾動

立秋兮風氣乍涼宋志曰立秋之節西南方坤卦用事肅禁網疏抑滯守專靜通津梁其卦氣應而涼風至如冲來爲逆凶其日西方白雲起則歲豐晴明則物失候春秋考異郵曰涼風者陰涼之風也謂陰氣至而陽氣伏涼爽乍發也其日風從乾來苦寒多雨坎來多露多霜寒艮來秋氣不和震

來秋多雨雹與來兵卒內起離來旱兵不利坤來
五穀成熟兌來主歲豐稔

秋分兮閭闔欲剝宋志曰秋分之節正西方兌卦
用事嚴刑罰節困倉誅殺必當罪無冤滯其卦氣
應而閭闔風至如冲來爲逆凶其日西方有白雲
卽歲豐晴明則物不成春秋考異郵曰閭闔者謂
陽氣隨而入陰氣隨而出如門之啓閉也此天地
收成萬物蓋藏之義故閭闔爲當寒也其日風從
乾來人多相掠坎來多水寒艮來十二月多霜雪
震來大疫木華再榮不實與來十月多風離來兵
動國南坤來土工大作兌來主歲豐稔

立冬乾來兮不周宋志曰立冬之節西北方乾卦
用事恤孤寡察阿黨築城郭造宮室修園圃則其
卦氣應不周風至如冲來爲逆人去其鄉其日晴
明小寒入君吉天下咸熙春秋考異郵曰不周風
者不交也陰陽未合化也其日風從乾來王道行
坎來冬雪殺畜艮來冬溫夏旱震來冬溫有雷人
疫與來蟄蟲出戶雷作離來五月大疫在來年坤

來水蟲食物兌來山澤有兵多妖言

冬至坎來兮廣莫宋志曰冬至之節正北方坎卦

用事誅有罪斷大刑去聲色禁嗜欲安形性休甲

兵不興索以待陰陽之定則其卦氣應廣莫風至

如冲來為逆主人民散其日有雨雪寒則歲豐晴

明則物不成春秋考異郵曰廣莫言廣大莫測為

上通無莫之風冬無見者春秋感精符曰漢後冬

至之日見雲逆迎日者來年歲美人民和不疾疫

無雲逆日者來年歲惡宋均占曰赤雲旱白雲兵

黃雲土工黑雲水其日風從乾來強國憂年多寒

坎來歲豐民樂艮來正月多露震來雷雨大發連

行巽來蟲傷生離來多溫乳婦多亡水旱多疾坤

來蝗蟲傷稼多水兌來秋雨大兵起

正朔之風立春同較其日風從乾來小雨兵起天官

曰戒菽胡豆也坎來大雨湧歲天官曰艮來歲穩帝昭曰

震來大水寒淋天官曰巽來民疫天官曰民多離

來大旱天官坤來小旱天官兌來無災天官黃帝

占曰歲旦天氣清和溫潤風不鳴條若有雲逆日

其歲美無疾疫郗萌曰正月朔日暮候東井上雲
見有歲潦務耕山田高處又曰正月朔日曉至三
日無風雨陰不見者一歲大美十倍沛公正占曰
正月朔日大風發屋折木揚沙動石其歲大惡黃
帝占曰十二月晦正月朔風雨春旱

五音風

宮則如牛鳴竽中急惡土功大興宮來山摧岸崩
宋志曰宮風爲土君子之象占以宮日有風音如
雷聲鼓聲牛鳴竽中發屋折木者主土工動君心
不安當有急令上下相疑來年兵起其日風從宮
來山摧岸崩人君出行泉出地裂

自角而來蝗蟲敗穀注云宮日風從角上來蝗蟲
敗穀

從商而至大水暴風注云宮日風從商上來水泉
湧暴風雨

發徵方蟲狼爲害注云宮從徵來蟲狼爲害土功
動

起羽地大雨寒陰注云宮從羽來大雨寒陰大臣

凶

商則如離羣羊風聲入商暴起有鬪兵急令商來必夷塞關梁宋志曰商風屬金臣之象占以商日有風如離羣羊扣鐘磬聲如飛鳥之集羽發屋折木主宮宅自相傷有鬪兵急令至關梁不通其日風從商來白衣聚關梁塞大將退外敵入

發宮方邑有憂注云商日風從宮來國有憂將在外兵不戰

起角地國有喪注云商日風從角來國有喪兵且行

君令行也生于徵上注云商日風從徵來君令行兵主凶

大雨至也來于羽方注云商日風從羽來大雨至兵在外解

如千人呼嘯其風聲配角拔木則賊來鬪戰起角則急兵如郭宋志曰角風爲木民之象占以角日有風如千人呼嘯之狀令人悲哀哉啾啾然又如鳴雉伐木聲發屋折樹者急賊鬪戰或有疾疫注

云角日風從角來主急兵攻入城邑

商則軍令起而暴兵來注云角日風從商來有暴
兵軍令起

宮則貴人疾而土功作注云角日風從宮來主貴
人疾有土功

羽來兮人泣而其野饑注云角日風從羽來野饑
人泣

徵來兮絲貴而火燔爍注云角日風從徵來憂火
燔絲貴○勢如縛彘其音曰徵發屋有急事來自

徵有火焰起宋志曰徵風屬火事之象占以徵日
有風如奔馬火炎如縛彘聲發屋折木火炎盛發

外有急事妖言人恐其日風徵來焰火起人君有
憂

角則旱火發而土功興注云徵日風從角來土功
起火災時有大旱

宮則寺舍災而哭泣至注云徵日風從宮來主寺
舍災有焰火哭至

商為急兵鬪爭注云徵日風從商來有鬪兵國不

安邊將憂

羽爲寶物出國注云徵日風從羽來寶物出國多
雷震有使命○水揚波擊濕鼓孰不謂之羽急怒
則糴貴而有兵發羽則霜雹而大雨宋志曰羽風
屬水物之象占以羽日有風如擊濕鼓如水揚波
聲發屋折木者糴大貴兵起關梁不通城邑固守
其日風從羽來主雨雹霜災
從商則兵鬪將憂注云羽日風從商來者有鬪兵
不安邊將憂

自宮則暴寒傷物注云羽日風從宮來暴風大雨
寒氣傷物

徵來兮民臣有憂注云羽日風從宮來民臣有憂
角來兮城圍不去注云羽日風從角來主城圍不
解

六情風

五音占定叅之六情古注云二者必叅而用之也
申子爲貪狼而無厭寅午爲廉貞遷進專精亥卯
爲陰賊潛爲盜賊巳酉爲寬大酒食歡榮丑戌公

正兮悲哀而報讐諫爭辰未奸邪也淫佚而誑詐
虛驚甲乙爲本情而不動丙丁合戊巳則參刑冲
是庚辛壬癸取鈎情而須辨陰前陽後合三辰是
名鈎風角占曰六情者甲乙爲本情丙丁爲合情
戊巳爲刑情庚辛爲冲情壬癸爲鈎情陽支後三
辰陰支前三辰俱爲鈎名假令申則巳酉則子是
也京房曰六情者好惡喜怒哀樂也好行貪狼主
欺詐不實亡財遇盜求人物強取事惡行廉貞主
賓客體儀嫁娶圖儀爲人誠信主遷官事喜行寬
大主爵祿賞賜聚積酒食慶賀事怒行陰賊主戰
鬪殺傷謀反叛逆劫暴事哀行公而主報讐諫爭
事樂行奸邪主淫佚疾疫欺殆事

日辰大風

風塵蔽天下支共觀注云干爲日支爲辰也

甲日則海中兵起宋志曰甲日大風海中兵起乾
坤寶典曰諸甲日大風必以丙丁日雨不雨則海
中兵起

乙日則夷狄侵邊宋志曰乙日風作粟貴夷狄邊

侵

丙丁旱疫而邊兵圍急宋志曰丙日大風邊兵圍急丁日大風旱疫

戊巳糴貴而土功邑遷宋志曰戊巳日大風土興食物貴或遷邑

庚辛日叫怒急備邊郵無咎宋志曰庚辛日若風聲叫怒者宜備邊

壬癸飛沙北虜侵境不寧巳空三日內有雨卽解宋志曰壬癸日若風飛沙折木者北虜侵邊京房

曰風爲陽雨爲陰陽怒得陰故解

子爲兵起水中宋志曰子日大風日光沉沉兵起水中

丑爲粟貴之徵宋志曰丑日大風掃地揚沙者粟恭貴

寅有赤氣則炎火宋志曰寅日大風而赤氣四塞有火災

卯有黃霧則蟲生宋志曰卯日大風而黃塵冲天蟲蝗必生

辰爲將行宋志曰辰日大風大將出行

巳爲天下大旱宋志曰巳日大風而蓬勃無常者有大旱

午爲民散宋志曰午日若風乍疾乍遲者人民不安流離散亡也

未爲土功大興宋志曰未日大風日無光影者土功大興也

申則盜攻穀貴也宋志曰申日風聲如磬穀貴盜攻

酉作河瀆流溢宋志曰酉日風蕭蕭濡潤必大水

河瀆橫流

戌則胡兵四起也宋志曰戌日大風塵霧橫天揚

沙千里胡兵四起

亥爲兵盜相攻宋志曰亥日大風揚沙折木者兵賊相攻人民不安三日有雨卽解陽怒利以陰承

巳上京房注同

察兵勝負風

兩軍相遇風占勝負先明其日納音次察起時方

管窺輿要 卷之六十三
所其日納音爲客時與來方爲主宋志曰兩軍相
當未明勝負以所占時與來方爲主其日納音爲
客

時方制音利爲主而後應納音反制宜爲客而先
舉還若相生是爲和睦宋志曰若時與來方能制
綱音者主勝反之客勝如相生爲比和不戰

子午爲宮音丑未寅申爲徵音卯酉爲羽音辰戌
爲商音巳亥爲角音乾坤寶典曰假令壬子癸丑
木壬午癸未木戊辰巳巳木皆爲角日客風從辰

戌商上來時加辰戌者主人勝客軍敗若此角日
風從子午宮來者主人大敗亦爲攻城得捷邊城
被陷他皆倣此推之

逆風雨交戰則師徒大敗而名落屍宋志曰初出
軍及三日內行次風勢蓬勃逆來冲我旌旗難舉
人聲怯馬不嘶吹沙觸塵人馬經過步回無跡者
此名鬼風或出軍三日內及交戰有急風其雨濡
濕軍馬威不能振者此爲軍敗若天氣昏沉風聲
錯亂或久陰不雨皆爲下有謀人宜設謀以順天

意又曰出軍而飄風驟來牙旌摧折旗幟繞竿或
下垂者交戰將死若營陣既成而有暴風卒來相
掩軍幕傾旗幟折木者爲惡逃生將失兵叛散風
角占曰初出軍無風草木不動者賊不可得又曰
軍若行旗旛指後者三軍大敗將死若半道逢賊
分軍兩散或戰或往或逆來吹旗旛却飛不進者
大敗又曰若風雨逆來不沾衣者此爲天泣軍師
戰大敗若交戰風雨兼來此名落屍戰必大敗神
武秘畧曰若狂風吹正帛起空中者其軍不利安
撫軍旅及祀天地吉又曰若旋風入寨大不爲利
順風雨交戰則軍旅大捷而爲得助宋志曰初出
軍日風從後來冲霧突出人雄壯馬嘶逸旌旗如
舉勢指敵方鼓角清而響者全勝從南方來而前
面者得天人之助獲敵糧儲敵人來降若風從地
上五音相生來生我爲母翅子我生爲子扶母也
天色清明人馬奔逸上下歡心風氣和揚者軍勝
天氣昏濁風勢寒尅塵土蓬勃者卽不利若入敵
境經要害遇城壘三日內有風雨雪霆從我軍上

去爲龍虎相助卽急戰必大勝若安平之時風雲
相交卽雨至用兵之時龍虎相助卽急戰風爲主
雲爲客凡風勢急大雲氣薄少者主勝若雲色濃
後來急風勢微弱不能振怒者客勝風角占曰假
令角日風從卯酉上來此名母翊子風從丑未寅
申上來此爲子扶母出軍多勝有成功神武秘畧
曰風爲龍爲主雲爲虎爲客

受宮羽商日風從季來或申子亥卯時當子午刑
殺急速而寒濁有夷兵犯塞而出沒宋志曰嘗視
四季受宮之日風從四季上來飛土揚塵發屋折
木而天色溫和時加子午五音及子午止者當有
邊夷入貢寒尅則不至受商受羽受宮之日風從
四季上來其勢斗怒當子午兼帶刑殺或申子亥
卯上來其勢急速者當有夷兵犯塞風勢寒尅必
成也

受角日子午之時季來則將伐夷去宋志曰四季
受角之日時加子午風勢緊急從四季上來中國
將伐四夷風止之處爲所伐之地止辰伐東夷止

未伐蠻夷止戊伐西夷止丑伐北夷若風止景色
溫和卽不行

受角日徵來則火災宋志曰受角之日大風伐屋
折木從丑寅未申徵方上來乍遲乍疾時加子午
火當伐宮寺

受羽日羽來則暴雨宋志曰受羽之日風從卯酉
方上來天陰雲潤人心悲慘連三日者當有暴雨
大水驟至風雨蕭蕭習習調和潤氣濡物從卯酉
之位未必須臾而雨至

自刑日風從徵方大火起菑及貴府宋志曰辰
酉亥自刑之日風從徵方來者有火菑風寒迅急
者火殺人三日內有雨卽解

飄驟而牙旗折交戰將死注云出軍而飄風驟來
牙旗摧折旗幡繞竿或下垂者交戰將死

急惡而軍幕傾將卒皆惡之注云若營陣旣成而
暴風來相掩軍幕旌旗折林木者爲惡主將失位
兵敗散

暴風忽起于刑墓之方宜防急賊及伏兵掩覆注

管窺輯要 卷之六十三
云若有疾風于歲月日刑上來者有急賊至或前
後有伏兵掩人不備宜謹防之

旋風

觸塵盤桓風名曰旋吾寨宜嚴備注云旋風入吾
寨大為不祥亦為狂賊來嚴備之吉

入敵城急令攻焉注云旋風入敵城宜從所入急
攻之

入宮宅屋室之內決音情刑德為先宋志曰旋風
之者當以五音六情占之用王相休囚刑德以分
憂喜從德位來為吉事刑位來為憂事

德為喜慶注云從歲月日德方上來為喜慶事
刑為憂煩注云德歲月日刑方上來為憂惱事

各風占

春甲子日風有赦宥罪夏丙子日風旱災兵荒秋
庚子日風刑濫兵起冬壬子日風水災國憂四季
戊子日風君上生子歲收頒赦
北風起子丑日得賢臣決冤獄起寅卯日盜賊兵
起起亥午日陰謀干上起辰未日奸邪叛逆起巳

春風熱民疫木傷夏風寒水災人疫秋風冷人疫

兵起冬風煖兵亂人災

眊風 惡風暴起拔木發屋主
惡風 暴風怒起天氣昏暈主國政昏

亂急兵邪風 風鼓塵昏連日不散主
寵風 急連日

不止主天子偏
逆風 旋風擾物倏飛上天主在朝

愛人怒兵起
冤風 旋風直冲連日不止
哭風 風聲

家防盜侵害在
敗風 敵兵大敗我收奇功

哀鳴連日不止主火
流風 風疾吹本不搖

受困厄
亂風 熱氣生出食人衣禾主
惑風 風濕

顛重暴生主君嬖
叛風 風急吹天雨血地水赤

羣小政亂民災
不澤風 木不搖動水

順風 惡風逆吹發屋損物主
天根風

利蔽公民
報耳風 暴風陡起昏塵蔽天主

災國亡
引兵風 宜備精兵隨入擊之

旋風入營吹倒兵器
紅風 風氣搏陣紅

急防冲襲縱火攻營
黑風 風陣

惡兆風 兵士謀叛重賞改過
黑風 吹來

士繫獄強
黃風 風陣吹來昏黃團結主
賊

昏黑結聚主國君
神風 風氣急吹中有火光主

失政夷狄起兵
賊

風暴風急起炎削損物主
暖風 風氣吹來如火烘

賊兵劫寨暗行冲襲

三

管窺輯要
卷之六十三
敗將 水風 風氣寒逼女水澆透王
死 國變兵起上下同災

管窺輯要卷之六十三終

管窺輯要卷之六十四

六安黃 鼎玉耳父纂定

男九命簡臣

侄九錫公位

九壽倫叙

九如眉介


侄孫珮琢成

珂先鳴


桐城方兆及子詒全閱

十二時


天星禽書秘旨




甲子日不用子時




巳卯日不用卯時



甲午日不用午時



巳酉日不用酉時



庚寅 辛巳

正月小 初一丙寅火胃

二月小 初一乙未金昴

三月大 初一甲子金畢

四月小 初一甲午金參

五月大 初一癸亥水井

六月小 初一癸巳水柳

七月大 初一壬戌水星

八月大 初一壬辰水翼

九月小 初一壬戌水角

十月大 初一辛卯木亢

十一月大 初一辛酉木房

十二月小 初一辛卯木尾

六十日

甲子日金陽 開門得天輔生炁吉向東北方

乙丑日金陰 開門得天輔顯星向東北方

丙寅日火陽 休門犯天蠱死星此日不可用凶

丁卯日火陰 火星天害血光星照此日不可出軍

戊辰日木陽

五明黃道傳星此日出兵有財

巳巳日木陰

天輔天台月德生炁出兵得勝

庚午日土陽

天休死氣天刑此日出兵主凶

辛未日土陰

天福月台此日向北出兵大吉

壬申日金陽

天休天哭此日出軍主軍士哭泣疾傷不宜

癸酉日金陰

天火血刃芒神出征主兵逢蛇虎傷殘凶

甲戌日火陽

顯星黃道月合出軍向東方得功大財

乙亥日火陰

玉堂金星聖心向東方出兵賊敗我勝大吉

後支干缺註

丙子水陽 丁丑水陰 戊寅土陽 巳卯土陰

庚辰金陽 辛巳金陰 壬午木陽 癸未木陰

甲申水陽 乙酉水陰 丙戌土陽 丁亥土陰

戊子火陽 巳丑火陰 庚寅木陽 辛卯木陰

壬辰水陽 癸巳水陰 甲午金陽 乙未金陰

丙申火陽 丁酉火陰 戊戌木陽 巳亥木陰

庚子土陽 辛丑土陰 壬寅金陽 癸卯金陰

甲辰火陽 乙巳火陰 丙午水陽 丁未水陰

戊申土陽 巳酉土陰 庚戌金陽 辛亥金陰

壬子木陽 癸丑木陰 甲寅水陽 乙卯水陰

丙辰土陽 丁巳土陰 戊午火陽 己未火陰

庚申木陽 辛酉木陰 壬戌水陽 癸亥水陰

定寅時歌

禽師但要時真用禽有應驗

正九五更四點徹二二八五更四點歇

三七平光是寅時二四六日出寅無別

五月日高三丈地二十與十二四更二

無冬纔到四更初二此是寅時真妙訣

日刻出入

正月日出卯八刻 日入酉一刻

二月日出卯四刻 日入酉三刻

三月日出卯三刻 日入酉五刻

四月日出卯初刻 日入酉八刻

五月日出寅七刻 日入酉一刻

六月日出寅七刻 日入戌一刻

七月日出卯初刻 日入酉八刻

八月日出卯三刻 日入酉五刻

九月日出卯五刻

日入酉三刻

十月日出卯八刻

日入酉初刻

十一月日出辰一刻

日入酉七刻

十二月日出辰一刻

日入申七刻

小滿日出寅七刻

日入酉五刻

小雪日出辰一刻

日入申八刻

二十八宿

角木蛟直日陰塵氣上必須巳酉還生春天有霧
冬還雪秋夏炎暄霞火形

主將黃公政

李真

亢金龍直日有飛沙并走石夏冬逢此日輝庭春
天大風半陰半晴秋露遮天路客驚

王常

氏土貉直日春天陰雨風大惡夏天泥濘天色昏
昧晴更看卯寅霞霧起秋冬半雨半晴

丘武

房日兔直日春天陰雨大夏天有雨天色昏昧晴
更看卯寅有霞霧起秋冬半雨半晴

封軍

心月狐直日必天陰雨有風春夏泥濘天色昏昧
晴更看寅卯霞霧起秋冬半陰半晴

趙隆

尾火虎直日東南春夏天陰泥濘昏昧要晴看寅
卯霞霧起秋冬半陰半晴

周雲

箕水豹直日春夏濛濛細雨輕天有風色巳前晴
明更聽群鴉聲噪秋冬柴薪貴似銀

文相

斗木豸直日春夏陰雨晴明看巳前更聽群鳥聲
噪冬炭柴薪貴似銀

郭海

牛金牛直日春天有風半陰半晴夏秋風起勢如
顛春冬若值須便雨辰酉時中必定晴

胡英

女士蝠直日須知平半雨夏秋風勢如顛春冬若
直須便雨辰酉時中還要晴

虛日鼠直日有大風起春日秋天雨不成若直夏
冬天氣轉直順三日始天晴

何佑

危車

危月燕直日還早大風起春日秋天雨不成若直
夏冬天氣轉直順三日始天晴

田立危

室火猪直日多風雨春夏逢之早晚晴坤艮秋冬
霞霧上飄飄雨下便難晴

荷元

壁水獮直日多風雨春夏逢之早晚晴坤艮秋冬
霞霧上飄飄雨下便難晴

龍王

奎木狼直日霞霧起若逢春夏還晴東西更若生
輕霧必主天陰雨又晴

謝月

主將王珣忠

婁金狗直日有風雨生凍冷正冬聚雪作風生雨
收霞氣大如掌車馬行人莫住停

胃土雉直日春天大風雨正冬聚雪作風生凍冷
雨收雲散大如掌車馬行人莫住停

唐文

伍交

昴日雞直日天氣轉日間平靜夜逢星風從旦暮
夏秋雨春雪冬天又作陰

鄭昌

畢月烏直日日間平靜夜間星風從旦暮夏秋雨
春雪冬天又作陰

陳旺

觜火猴直日大風雨風起朝東並見晴春夏濛濛
細雨傾秋冬還見有陰刑

霹太

參水猿直日大風起風起朝東並見晴春夏濛濛
細不濕秋冬要見有陰刑

宋真

井水犴直日遇有風雨風起朝東要晴春夏微微
有細雨秋冬還見雨陰陰

鬼金羊直日濛濛霧起巳前辰後雨陰陰春正夏
午休離傘冬雨秋晴切忌心

徐貫

槐童

柳土獐直日濛濛霧氣起巳前辰後雨陰刑春正
夏午休離傘冬雨秋晴切忌心

張本

星日馬直日天氣轉卯前霞上未時晴秋冬若遇
半日雨春夏逢之月朗明

周貴

張月鹿直日風雨并大熱午前雲迷太陽程更觀
未向生黑氣雨雪秋冬春夏陰

董午

翼火蛇直日有風雨大熱午前雲迷太陽心更觀
未向生黑霧雨雪秋冬春夏陰

吉善

軫水蚓直日陰氣上必須巳酉還生春天有霧冬
有雪秋夏炎暄霞火形

呂鳳

出行吉日

甲子 乙丑 丙寅 丁卯 庚午 辛未

甲戌 乙亥 丁丑 巳卯 甲申 丙戌

庚寅 辛卯 甲午 庚子 辛丑 壬寅

癸卯 丙午 丁未 巳酉 癸丑 甲寅

乙卯 庚申 滿成開日

二十八宿裁衣吉日

角安穩 亢計 氏親友 房益衣 心盜賊 尾必壞

箕得病 斗美味 牛進喜 女得病 虛得根 危遭毒

室水厄 壁獲寶 奎得財 婁增壽 胃減服 昴火燒

畢多事 觜鼠咬 參逢盜 井相分 鬼吉祥 柳喪服

星喪服 張逢喜 翼得財 軫失火

求財吉宿

亢 氏 房 箕 牛 危 婁 胃 參 井

鬼 星

出軍不用此八宿

角 亢 奎 婁 斗 牛 禽 出軍定是不回兵

并鬼出陣定亡身

百事大忌不用十二日

正月十三日 二月十二日 三月初九日

四月初七日 五月初五日 六月初三日

七月初七日 八月廿八日 九月初三日

十月廿一日 十一月十九日 十二月十七日

忌探人疾病不用此六日

壬寅日 壬午日 庚午日

甲寅日 乙卯日 巳卯日

神仙雷下此六日 探人疾病代人亡

排山掌訣逐日加時

四孟日出軍大吉

甲巳日

寅申時一人當百人 巳時一人當十人

午未戌亥時主敗

乙庚日

申時一人當十八人 亥時一人當十五人

乙日忌辰巳時凶 庚日忌子時凶

丙日

寅時一人當二十八人 申時一人當百八

辛日

巳時一人當二十人

丁壬日

巳時一人當十五人 忌卯時凶

戊癸日

午時一人當廿五人 忌子卯酉時凶

四仲日出軍大吉

甲巳日

子申時一人當十五人

乙庚日

丑時一人當十五人

丙辛日

未時一人當十人

丁壬日

巳時一人當十五人

戊癸日

午時一人當二十人 辰時一人當十五人

四季日出軍大吉

甲巳日

卯時一人當十四人

乙庚日

卯時一人當十五人

丙辛日

子時一人當三十人

丁壬日

申時一人當五十人

戊癸日

午時一人當二十人

孟仲季二十四候

正月孟

立春

雨水

二月仲

驚蟄

春分

三月季

清明

穀雨

四月孟

立夏

小滿

五月仲

芒種

夏至

六月季

小暑

大暑

七月孟

立秋

處暑

八月仲

白露

秋分

九月季

寒露

霜降

十月孟

立冬

小雪

十一月仲

大雪

冬至

十二月季

小寒

大寒

演武

宜天月二德兵福兵寶兵吉黃道 成開日

此試

宜黃道上官天祐恩勝成勳普護福生天馬驛

馬目前二條俱忌六不成十惡無祿大敗

出師 與攻戰同

宜辛丑丙寅庚子丁卯庚戌丁酉甲午乙丑丁

丑兵寶兵吉成勳天德月德合普護日

班師

宜平定成收開旺日及黃道成勳恩勝要守成

天祐天恩天月二德日

攻取城寨

宜巳亥丙寅乙巳甲子甲戌乙未庚戌乙亥巳
丑兵吉兵寶除執日前三條俱要忌伐日入專
倡鬼敗亡五不歸八絕十惡大敗危日及徃亡
日不用

嫁娶一切等事詳禽使用

氏房心尾亢修造

奎婁室壁好婚姻

井鬼柳星宜造

張參營運出行欣

尾箕斗牛危虛

修造安墳福祿

胃角觜參昴畢翼

作事難成有哭聲

論禽中使用

天上星辰須要知

翼角亢星星尾箕

用兵捕捉皆獲得

不怕登山涉路岐

若用猪羊並蚓類

未行百步被人欺

畢昴參觜角井宿

嫁娶遠行定不歸

氏房女危亢心宿

陞官赴任好施為

翼婁危軫牛張宿

行人路上笑嘻嘻

論鶴神所忌方日吉凶

壬辰癸巳上天堂 巳酉還歸西北方

乙卯正東居五日 庚申却入巽宮藏

丙午離位磨金甲 辛未西南望故鄉

壬午走臨西北方 戊子正北四日強

丁丑又來正西位 鶴神遊處有凶殃

在天宮吉忌登高宜捕獵可向地其日所在之

處忌造作安葬修宅移居嫁娶出行

上官修營損六畜及血財此六日不可犯犯者大

凶敗

戊子壬子與乙卯 辛巳巳巳及巳酉

所為若犯主大凶 凡人忌之免災危

五不歸日

庚申庚 與壬辰 巳卯壬子丙辰真

丙戌巳酉加辛亥 丙申庚辰辛巳旬

若逢十二時辰用 去辭兄弟及雙親

上官日

正二三月忌子午申戌亥日

四月忌子丑申戌亥日

五六月忌子丑寅申辰日

七月忌寅辰午未日

八月九月忌寅辰巳午未日

十月忌未酉戌日

十一月忌未巳申酉戌日

十二月忌巳未申酉日

六害日 又名四大煞 又名四季暗曜

忌禽詩

春逢箕宿不堪提

夏遇軫星是可疑

秋忌參禽來入穴

冬愁壁獸是危時

出軍忌日

正月初六日 二月初七日 三月初八日

四月初九日 五月初十日 六月十一日

七月十二日 八月十三日 九月十四日

十月十五日 十一月十六日 十二月十七日

禽中月家犯長短星

寅上休逢女與牛

卯逢室壁最為仇

辰怕觜參為切骨

巳行鬼柳實堪憂

午忌虛危常見賊

未月尾箕一場愁

申上畢須防忌

酉嫌亢角鬧啾啾

戌日氏房須忌犬

亥怕奎婁所事休

子忌張星丑忌午日

凡夫容易不知由

推戰法

但將日宿定施為

從子推來至戰時

日為他人時為我

仔細推詳合取之

外有禽星加得地

城中安穩外軍危

伏天禽不可用 忌禽詩

欲識天禽忌惡星

猪猴蛇蚓事難明

心狐怕見箕水豹

萬事施為總不成

又

虛星女宿鬼金羊

所去求謀盡被傷

更遇壁軫當面坐

刑罰臨身見血光

忌星詩

凡遇星禽是忌星

莫言寅卯日堪行

頭曲傳星須是吉

天星不盡事皆成

又

用着猪羊怕蚓時

未行百步被人欺

自古仙人真口訣

流傳莫要泄天機

以上五詩說禽不可用最凶

日食時禽

日食時禽須見面

時食日禽難抵當

猪見狗來終惡死

牛逢虎到定遭傷

六甲旬逢

甲子旬中逢寅

甲戌旬中逢子

甲申旬中逢戌

甲午旬中逢申

甲辰旬中逢戌

甲寅旬中逢辰

紫微帝星用禽

中 乾 兌 艮 離 坎 坤 震 巽

太 元 真 紐 網 紀 閑 帝 尊

上元

甲子箕 甲戌女 甲申觜

甲午亢 甲辰空 甲寅鬼

中元

甲子心 甲戌婁 甲申張

甲午斗 甲辰畢 甲寅角

下元

甲子危 甲戌井 甲申房

甲午奎 甲辰星 甲寅箕

喜神吉方時

甲巳虎兔上 乙庚猪犬當 丙辛雞猴位

丁壬羊馬鄉 戊癸龍蛇地 喜神并吉方

天馬吉日

正七月午日 二八月申日 三九月戌日

四十月子日 五十一月辰日 六十二月辰日

將甲乙安寅卯上 逆行不用子日二位

正丁二坤宮 三壬四辛同 五乾六甲上

七癸八艮逢 九丙十一位 子巽巳丑中

月德日方

正月在丙 二月在申 三月在壬 四月在庚

五月在丙 六月在甲 七月在壬 八月在庚

九月在丙 十月在甲 十一月在壬 十二月在庚

六十甲子時例

甲子日寅時福星 卯時喜神 申時三合

乙丑日辰時天官 申時貴人 酉時帝旺

丙寅日寅時長生 午時三合 未時天開

丁卯日寅時驛馬 巳時天福 未時三合

戊辰日寅時天官 辰時國印 申時長生

巳巳日寅時天福 卯時帝旺 辰時月仙

庚午日卯時天乙 辰時國印 申時長生

辛未日卯時三合 午時三合 申時天官

壬申日辰時三合 巳時三合 午時唐符

癸酉日卯時福星 辰時喜神 巳時三合

甲戌日寅時八祿 卯時六合 午時帝旺

乙亥日辰時天官 巳時驛馬 申時天乙

丙子日寅時福星 午時喜神 酉時天乙

丁丑日巳時六合 午時三合 未時喜神

戊寅日卯時貴人 未時天福 辰時月仙

巳卯日寅時國印 卯時三合 未時天德

庚辰日辰時國印 巳時貴人 申時三合

辛巳日午時天乙 未時貴人 申時六合

壬午日辰時福星 巳時天乙 未時六合

癸未日卯時貴人 巳時天福 未時天乙

甲申日丑時天乙 寅時福星 辰時墓庫

乙酉日辰時六合 巳時三合 申時天乙

丙戌日寅時福星 卯時三合 辰時墓庫

丁亥日辰時墓福 巳時驛馬 申時天乙

戊子日寅時長生 巳時入祿 辰時天乙

己丑日子時三合 寅時長生 午時帝旺

庚寅日卯時帝旺 巳時六合 申時八鸞

辛卯日卯時貴人 午時天乙 未時三合

壬辰日子時帝旺 辰時天乙 巳時貴人

癸巳日卯時福星 辰時墓庫 巳時天福

甲午日子時福星 寅時三合 未時六合

乙未日子時天乙 丑時福星 戌時天乙

丙申日寅時福星 卯時帝旺 未時六合

丁酉日丑時唐符 辰時六合 巳時三合

戊戌日寅時福星 卯時天福 辰時貴人

己亥日寅時國印 卯時三合 未時三合

庚子日丑時六合 辰時三合 未時三合

辛丑日丑時六合 辰時三合 申時三合

壬寅日丑時貴人 巳時長生 午時三合

癸卯日寅時天乙 卯時福星 巳時驛馬

甲辰日丑時天乙 寅時八祿 未時貴人

乙巳日子時天乙 丑時三合 辰時天曹

丙午日寅時六合 午時貴人 未時六合

丁未日巳時驛馬 午時六合 未時喜神

戊申日寅時驛馬 卯時天福 辰時三合

巳酉日寅時天福 卯時貴人 辰時墓庫

庚戌日辰時天貴 巳時貴人 申時驛馬

辛亥日寅時天乙 卯時唐符 巳時天福

壬子日丑時三合 辰時福星 巳時天乙

癸丑日卯時帝旺 辰時喜神 午時官貴

甲寅日丑時貴人 寅時八祿 卯時喜神

乙卯日辰時墓庫 巳時驛馬 申時天福

丙辰日寅時驛馬 午時八祿 酉時天德

丁巳日丑時三合 辰時墓庫 午時八祿

字寬博覽 卷之六十四 三

戊午日卯時天乙 辰時喜神 午時帝旺

未日寅時長生 卯時喜神 未時福星

庚申日丑時天乙 辰時三合 巳時六合

辛酉日卯時帝旺 午時天乙 未時官祿

壬戌日辰時天福 巳時天乙 午時三合

癸亥日卯時天福 辰時喜神 未時貴人

周天二十八宿禽

凡出兵鬪戰起手动用但向黃道月德吉方無不利先起手是日屬他人時屬我出入宜選方道先用日中八門後看時時禽八門并青龍華蓋十二

星吉凶方并破軍唐符國印五符方相合吉星若可從此方上出禽行軍便要禽中好落方道水中禽用戌亥子行嶺上禽用丑寅卯行山崗用辰行郊野為未坤行路為戊坤日未為平田等地莫行巳午為陽火申酉為刀砧又本禽方太歲方月建方三煞方七殺方空亡方俱不可犯

禽中用事衰旺秘訣

捉賊 要禽尅本身禽

張捕

要本身尅他人吉如在近

爭戰

要本身禽高尅他人吉

逃閃

要自生自旺他人不尅本身

尋人

要日禽尅時禽吉

求財

要外禽食內禽則易我食他人矣

見官

要禽星和合

詞訟

要日禽與氣將和合有食暗則必阻滯

無食暗則必已勝

出行

要木禽年與用時合

